

REGLUGERÐ FRAMKVÆMDASTJÓRNARINNAR (EB) nr. 1126/2007

2014/EES/73/66

frá 28. september 2007

um breytingu á reglugerð (EB) nr. 1881/2006 um hámarksgildi fyrir tiltekin aðskotaefni í matvælum að því er varðar eitrefni sveppa af ættkvíslinni *Fusarium* í mais og maisafurðum (*)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af reglugerð ráðsins (EBE) nr. 315/93 frá 8. febrúar 1993 um málsmeðferð fyrir Bandalagið vegna mengunarefna í matvælum ⁽¹⁾, einkum 3. mgr. 2. gr.,

og að teknu tilliti til eftirfarandi:

- 1) Í reglugerð framkvæmdastjórnarinnar (EB) nr. 1881/2006 frá 19. desember 2006 um hámarksgildi fyrir tiltekin aðskotaefni í matvælum ⁽²⁾ er kveðið á um hámarksgildi fyrir eitrefni sveppa af ættkvíslinni *Fusarium* í tilteknum matvælum.
- 2) Setja skal ströng hámarksgildi sem raunhæft er að ætlast til að megi ná með því að fylgja góðum starfsvenjum í landbúnaði og framleiðslu að teknu tilliti til þeirrar áhættu sem tengist neyslu þessara matvæla.
- 3) Veðurfarskilyrði á vaxtarskeiði, sér í lagi við blómgun, hafa mikil áhrif á innihald eitrefna sveppa af ættkvíslinni *Fusarium*. Hins vegar geta góðar starfsvenjur í landbúnaði, þar sem áhættuþáttur er haldið í lágmarki, komið í veg fyrir mengun af völdum aðskotaefna sveppa af ættkvíslinni *Fusarium* upp að vissu marki. Í tilmælum framkvæmdastjórnarinnar 2006/583/EB frá 17. ágúst 2006 um að stemma stigu við og draga úr eitrefnum sveppa af ættkvíslinni *Fusarium* í korni og kornafurðum ⁽³⁾, þ.m.t. í mais og maisafurðum, eru almennar meginreglur til að stemma stigu við eða draga úr mengun af völdum eitrefna sveppa af ættkvíslinni *Fusarium* (searalenóns, fúmónísins og trikótesens) í korni sem á að framfylgja með því að hvert aðildarríki fyrir sig þróa reglur um starfsvenjur á grundvelli þessara meginreglna.

- 4) Hámarksgildi fyrir eitrefni sveppa af ættkvíslinni *Fusarium* í korni og kornafurðum, þ.m.t. mais og maisafurðir, voru fastsett árið 2005. Hvað mais varðar voru ekki allir þættir, sem stuðla að myndun eitrefna sveppa af ættkvíslinni *Fusarium*, sér í lagi searalenóns og fúmónísins B₁ og B₂, fullkomlega þekktir. Þar af leiðandi var gert ráð fyrir því að hámarksgildi fyrir mais og maisafurðir giltu einungis frá 1. júlí 2007 fyrir deoxynivalenól og searalenón og frá 1. október 2007 fyrir fúmónísín B₁ og B₂, ef engin önnur hámarksgildi, sem byggð eru á nýjum upplýsingum um tilvik og myndun, hafa verið sett fyrir þann tíma. Þetta tímabil gerði stjórnendum matvælafyrirtækja í kornvörukeðjunni kleift að gera rannsóknir á upptökum myndunar þessa sveppaeiturs og á greiningu stjórnunarlegra ráðstafana sem beita skal til að koma í veg fyrir tilvist þeirra, eftir því sem unnt er.

- 5) Með tilliti til nýrra upplýsinga frá 2005 virðist nauðsynlegt að breyta hámarksgildum fyrir mais og maisafurðir sem og gildistökudegi fyrir þessi gildi.
- 6) Nýlega hafa upplýsingar verið lagðar fram þar sem fram kemur að, að því er varðar uppskeruna 2005 og 2006, hefur mælt meira innihald í mais en í uppskerunni 2003 og 2004, einkum er innihald searalenóns og fúmónísins meira en síður innihald deoxynivalenóls, sem tengist veðurskilyrðum. Af þeim sökum er ekki unnt að ná þeim gildum sem sett voru fyrir searalenón og fúmónísín í mais við tiltekin veðurskilyrði, jafnvel þótt beitt sé fyrirbyggjandi ráðstöfunum eftir því sem unnt er. Því er þörf á að breyta hámarksgildunum til að forðast röskun á markaði en viðhalda um leið öflugri lýðheilsuvernd með því að tryggja að váhrif á menn verði áfram verulega lægri en heilbrigðismiðuð, leiðbeinandi gildi segja til um.

- 7) Til að tryggja að þessum hámarksgildum sé beitt rétt og snurðulaust er einnig við hæfi að þau gildi um allan mais og maisafurðir sem eru skorin á tilteknum uppskerutímum og þar af leiðandi skal gildistökudagurinn endurspegla byrjun markaðssetningartímabils fyrir næsta uppskeruár. Þar eð uppskerutími mais í Evrópu hefst yfirleitt um miðjan september og varir til enda október er 1. október 2007 heppilegur gildistökudagur.

(*) Þessi EB-gerð birtist í Stjtið. ESB L 255, 29.9.2007, bls. 14. Hennar var getið í ákvörðun sameiginlegu EES-nefndarinnar nr. 60/2009 frá 29. maí 2009 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá *EES-viðbæti við Stjórnartíðindi Evrópusambandsins* nr. 47, 3.9.2009, bls. 12.

⁽¹⁾ Stjtið. EB L 37, 13.2.1993, bls. 1. Reglugerðinni var breytt með reglugerð Evrópuþingsins og ráðsins (EB) nr. 1882/2003 (Stjtið. ESB L 284, 31.10.2003, bls. 1).

⁽²⁾ Stjtið. ESB L 364, 20.12.2006, bls. 5.

⁽³⁾ Stjtið. ESB L 234, 29.8.2006, bls. 35.

- 8) Í ljósi þess, sem að framan greinir, skal þessi reglugerð gilda frá og með 1. júlí 2007.
- 9) Auk þess skal gera nokkrar minni háttar tæknilegar breytingar.
- 10) Rétt er að kveða á um að hámarksgildið gildi ekki um óunninn maís sem er ætlaður til vinnslu með votmölun (sterkjuframleiðslu). Í vísindalegum gögnum hefur verið sýnt fram á að án tillits til þess innihalds af eiturefnum sveppa af ættkvíslinni *Fusarium*, sem finnst í óunnum maís, greinast eiturefni sveppa af ættkvíslinni *Fusarium* ekki eða einungis í mjög litlum mæli í sterku sem framleidd er úr maís. Til að tryggja heilbrigði manna og dýra skulu stjórnendur matvælafyrirtækja í votmölunargeiranum engu að síður viðhafa öfluga vöktun með aukaafurðum úr votmölunarferlinu, sem ætlaðar eru sem dýrafóður, í þeim tilgangi að hafa eftirlit með því að farið sé að þeim viðmiðunargildum sem um getur í tilmælum framkvæmdastjórnarinnar 2006/576/EB frá 17. ágúst 2006 um hvort deoxynivalenól, searalenón, okratóxin A, eiturefni T-2 og HT-2 og fúmónísín sé að finna í afurðum sem eru ætlaðar sem fóður ⁽¹⁾.
- 11) Við þurmmölunarferli verða til mólunarhlutar með mismunandi kornastærð úr einni og sömu framleiðslulotu af óunnum maís. Vísindaleg gögn leiða í ljós að mólunarhlutar með litilli kornastærð innihalda meira af eiturefnum sveppa af ættkvíslinni *Fusarium* en mólunarhlutar með meiri kornastærð. Mólunarhlutar maíss eru flokkaðir eftir kornastærð undir mismunandi færslur í sameinuðu tollnafnaskránni eftir því hversu mikið magn fer í gegnum sigti með möskvastærðinni 500 míkron. Fastsetja skal, til að endurspegla mismikla mengun aðskotaefna í mismunandi mólunarhlutum, mismunandi hámarksgildi fyrir mólunarhluta sem eru annars vegar minni en 500 míkron og hins vegar stærri en 500 míkron.

- 12) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra.

SAMÞYKKT REGLUGERÐ ÞESSA:

1. gr.

Reglugerð (EB) nr. 1881/2006 er breytt sem hér segir:

1. Í stað b-liðar 11. gr. komi eftirfarandi:

„b) hinn 1. október 2007, að því er varðar hámarksgildi fyrir deoxynivalenól og searalenón sem mælt er fyrir um í liðum 2.4.3, 2.4.8, 2.4.9, 2.5.2, 2.5.4, 2.5.6, 2.5.8, 2.5.9 og 2.5.10 í viðaukanum,“.

2. Ákvæðum 2. þáttar í viðaukanum er breytt sem hér segir:

a) Í stað færslanna fyrir deoxynivalenól (2.4), searalenón (2.5) og fúmónísín (2.6) komi færslurnar í viðaukanum við þessa reglugerð.

b) Í stað texta 20. neðanmálgreinar komi „Hámarksgildið skal gilda frá 1. október 2007.“

c) 21. neðanmálgrein falli brott.

2. gr.

Reglugerð þessi öðlast gildi daginn eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 1. júlí 2007.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 28. september 2007.

Fyrir hönd framkvæmdastjórnarinnar,

Markos KYPRIANOU

framkvæmdastjóri.

⁽¹⁾ Stjótið. ESB L 229, 23.8.2006, bls. 7.

VIÐAUKI

„2.4	Deoxýnivalenól ⁽¹⁷⁾	
2.4.1	Óunnið korn ⁽¹⁸⁾ ⁽¹⁹⁾ , annað en harðhveiti, hafrar og maís	1250
2.4.2	Óunnið harðhveiti og hafrar ⁽¹⁸⁾ ⁽¹⁹⁾	1750
2.4.3	Óunninn maís ⁽¹⁸⁾ að undanskildum maís sem er ætlaður til vinnslu með votmölun ^(*)	1750 ⁽²⁰⁾
2.4.4	Korn ætlað til beinnar neyslu, kornmjöl, klíð og kím markaðssett til beinnar neyslu, að undanskildum matvælum sem eru tilgreind í liðum 2.4.7, 2.4.8 og 2.4.9	750
2.4.5	Pasta (þurrkað) ⁽²²⁾	750
2.4.6	Brauð (þ.m.t. smátt kaffibrauð) sætabrauð, kex, nasl úr korni og morgunkorn	500
2.4.7	Unnin matvæli með korn sem uppistöðu og barnamatur fyrir ungbörn og smábörn ⁽³⁾ ⁽⁷⁾	200
2.4.8	Málsbrot eftir mölun með kornastærð > 500 míkron falla undir SAT-númerin 110313 eða 11032040 og aðrar afurðir máismulnings með kornastærð > 500 míkron sem eru ekki ætlaðar til beinnar neyslu falla undir SAT-númerið 19041010	750 ⁽²⁰⁾
2.4.9	Málsbrot eftir mölun með kornastærð ≤ 500 míkron falla undir SAT-númerið 110220 og aðrar afurðir máismulnings með kornastærð ≤ 500 míkron sem eru ekki ætlaðar til beinnar neyslu falla undir SAT-númerið 19041010	1250 ⁽²⁰⁾
2.5	Searalenón ⁽¹⁷⁾	
2.5.1	Óunnið korn ⁽¹⁸⁾ ⁽¹⁹⁾ , annað en maís	100
2.5.2	Óunninn maís ⁽¹⁸⁾ að undanskildum maís sem er ætlaður til vinnslu með votmölun ^(*)	350 ⁽²⁰⁾
2.5.3	Korn ætlað til beinnar neyslu, kornmjöl, klíð og kím sem fullunnin vara markaðssett til beinnar neyslu, að undanskildum matvælum sem eru tilgreind í liðum 2.5.6, 2.5.7, 2.5.8, 2.5.9 og 2.5.10	75
2.5.4	Hreinsuð máisólía	400 ⁽²⁰⁾
2.5.5	Brauð (þ.m.t. smátt kaffibrauð) sætabrauð, kex, nasl úr korni og morgunkorn, að undanskildu nasli og morgunkorni með maís sem uppistöðu	50
2.5.6	Maís ætlaður til beinnar neyslu, nasl og morgunkorn með maís sem uppistöðu	100 ⁽²⁰⁾
2.5.7	Unnin matvæli með korn sem uppistöðu (að undanskildum unnum matvælum með maís sem uppistöðu) og barnamatur fyrir ungbörn og smábörn ⁽³⁾ ⁽⁷⁾	20
2.5.8	Unnin matvæli með maís sem uppistöðu fyrir ungbörn og smábörn ⁽³⁾ ⁽⁷⁾	20 ⁽²⁰⁾

2.5.9	Máisbrot eftir mölun með kornastærð > 500 míkron falla undir SAT-númerin 110313 eða 11032040 og aðrar afurðir maísmulnings með kornastærð > 500 míkron sem eru ekki ætlaðar til beinnar neyslu falla undir SAT-númerið 19041010	200 ⁽²⁰⁾
2.5.10	Máisbrot eftir mölun með kornastærð ≤ 500 míkron falla undir SAT-númerið 110220 og aðrar afurðir maísmulnings með kornastærð ≤ 500 míkron sem eru ekki ætlaðar til beinnar neyslu falla undir SAT-númerið 19041010	300 ⁽²⁰⁾
2.6	Fúmónísín	Summa B ₁ og B ₂
2.6.1	Óunninn máis ⁽¹⁸⁾ að undanskildum máis sem er ætlaður til vinnslu með votmölun ^(*)	4000 ⁽²³⁾
2.6.2	Máis sem er ætlaður til beinnar neyslu, matvæli með máis sem undirstöðu sem eru ætluð til beinnar neyslu að undanskildum matvælum sem eru tilgreind í liðum 2.6.3 og 2.6.4	1000 ⁽²³⁾
2.6.3	Morgunkorn og nasl með máis sem uppistöðu	800 ⁽²³⁾
2.6.4	Unnin matvæli með máis sem uppistöðu og barnamat fyrir ungbörn og smábörn ⁽³⁾ ⁽⁷⁾	200 ⁽²³⁾
2.6.5	Máisbrot eftir mölun með kornastærð > 500 míkron falla undir SAT-númerin 110313 eða 11032040 og aðrar afurðir maísmulnings með kornastærð > 500 míkron sem eru ekki ætlaðar til beinnar neyslu falla undir SAT-númerið 19041010	1400 ⁽²³⁾
2.6.6	Máisbrot eftir mölun með kornastærð ≤ 500 míkron falla undir SAT-númerið 110220 og aðrar afurðir maísmulnings með kornastærð ≤ 500 míkron sem eru ekki ætlaðar til beinnar neyslu falla undir SAT-númerið 19041010	2000 ⁽²³⁾ »

(*) Undanþágan gildir einungis fyrir máis sem er greinilega, t.d. með merkingum, áfangastað, einungis ætlaður til votmölunar (sterkjuframleiðslu).“